



## Služba za komunalne i inspeksijske poslove

Broj: 04-23-3363/22  
Lukavac, 01.08.2022.godine

Služba za komunalne i inspeksijske poslove postupajući po zahtjevu Crvenog križa/krsta Lukavac, broj: 04-328/22 od 29.07.2022.godine, na osnovu člana 200. Zakona o upravnom postupku („Službene novine FBiH“, broj: 2/98 i 48/99), člana 5. i člana 31. Odluke o nerazvrstanim cestama i ulicama na području općine Lukavac („Službeni glasnik općine Lukavac“, broj: 7/18) donosi

### RJEŠENJE

Odobrava se potpuna obustava saobraćaja u ulici Branilaca Bosne na dijelu od autobuske stanice do raskrsnice sa ulicom Redžepa ef. Muminhodžića za dan 06.08.2022.godine u periodu od 7:00h do 14:30h radi izvođenja pkazne vježbe iz oblasti zaštite i spašavanja ljudi i materijalnih dobara.

U vrijeme potpune obustave odvijanja saobraćaja isti će se odvijati alternativnim putnim pravcem: ul. Lukavačkih brigada - ul. Titova – ul. Žrtava genocida u Srebrenici – ul. Redžepa ef. Muminhodžića.

Regulisanje saobraćaja vršit će se postavljanjem adekvatne vertikalne saobraćajne signalizacije.

Pripadnici Policijske uprave Lukavac vršit će redovnu kontrolu privremeno postavljene saobraćajne signalizacije i njeno poštivanje od strane učesnika u saobraćaju, kako ne bi dolazilo do problema na dijelu ulice gdje se izvode radovi.

Služba za inspeksijske poslove općine Lukavac izvršit će kontrolu privremeno postavljene saobraćajne signalizacije i ukoliko ista ne bude adekvatna narediti hitno otklanjanje nedostataka, a po potrebi, u slučaju nepoštivanja naloga i obustaviti radove i narediti uklanjanje postavljanje privremene saobraćajne signalizacije.

Sve štete koje nastanu izmjenom režima saobraćaja, a zbog propusta podnosioca zahtjeva učesnicima u saobraćaju i drugim licima, snosit će podnosilac zahtjeva.

### Obrazloženje

Crveni križ/krst Lukavac, obratio se ovoj Službi sa zahtjevom za potpunu obustavu saobraćaja u ulici Branilaca Bosne na dijelu od autobuske stanice do raskrsnice sa ulicom Redžepa ef. Mumnhodžića za dan 06.08.2022.godine u periodu od 07:00h do 14:30h radi izvođenja pkazne vježbe iz oblasti zaštite i spašavanja ljudi i materijalnih dobara.

Članom 31. Odluke o nerazvrstanim cestama i ulicama na području općine Lukavac utvrđeno je da upravitelj cesta između ostalog izdaje odobrenje za privremenu izmjenu režima saobraćaja na cestama. Izvođač radova je obavezan da postavljanjem odgovarajuće saobraćajne signalizacije obavijesti učesnike saobraćaja o izmjeni režima saobraćaja, kako je to navedeno u dispozitivu ovog rješenja.

Strana 1 od 2



ISO 9001:2015  
No. 308550 QM15

Grad Lukavac - Gradonačelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015  
No. 308550 QM15

Na osnovu naprijed navedenog, riješeno je kao u dispozitivu ovog rješenja.

Protiv ovog rješenja može se izjaviti žalba u roku od 15 dana od dana prijema rješenja. Žalba se podnosi putem ove Službe, Komisiji za rješavanje u drugostepenom postupku, neposredno pismeno, usmeno na zapisnik ili se šalje poštom taksirana sa 10,00 KM administrativne takse.

POMOĆNIK GRADONAČELNIKA  
Mirela Bubić, dipl.pravnik

D o s t a v i t i:

- Crveni križ/krst Lukavac
- Policijska uprava Lukavac
- Odsjek za inspekcijske poslove
- Evidenciji
- Arhivi